



MODIFICACIÓN DO CONVENIO DE COLABORACIÓN ENTRE A CONSELLERÍA DE POLÍTICA SOCIAL E A FUNDACIÓN AMANCIO ORTEGA GAONA PARA A CONSTRUCCIÓN DUN CENTRO PÚBLICO DE ATENCIÓN INTEGRAL ÁS PERSOAS MAIORES DENTRO DO MARCO DO PROGRAMA “COMO NA CASA”, NO CONCELLO DE A CORUÑA

Santiago de Compostela, a 5 de xuño de 2020.

REUNIDOS

Dunha parte, dona Fabiola García Martínez, Conselleira de Política Social, en virtude do Decreto 89/2018, do 26 de setembro, que actúa no exercicio do seu cargo e en función das atribucións que lle confire o artigo 34 da Lei 1/1983, do 22 de febreiro, de normas reguladoras da Xunta de Galicia e da súa Presidencia, e de conformidade co disposto no Decreto 88/2018, do 22 de febreiro, polo que se establece a estrutura orgánica da Xunta de Galicia, así como no Decreto 177/2016, de 15 de decembro, polo que se fixa a estrutura orgánica da Vicepresidencia e das consellerías da Xunta de Galicia e no Decreto 176/2015, do 3 de decembro, polo que se establece a estrutura orgánica da Consellería de Política Social, actuando en nome e representación da Consellería de Política Social.

Doutra parte, don Óscar Ortega Chávez, Director Xeral da Fundación Amancio Ortega Gaona (en adiante, a FAO), que foi constituída en escritura pública outorgada na Coruña con data de 10 de xullo de 2001, clasificada coma fundación mixta pola Orde do 3 de setembro de 2001 (DOG núm. 176, do 11 de setembro) e declarada de interese galego por Orde do 12 de setembro de 2001 (DOG núm. 186, do 25 de outubro). Actúa en virtude das funcións atribuídas polo poder outorgado na reunión do Padroado da Fundación o 10 de setembro de 2019.

Ambas partes recoñécense mutuamente a capacidade para obrigarse e outorgar este Convenio en nome da Consellería de Política Social e da FAO, respectivamente.



EXPOÑEN

I. Que ambas partes teñen obxectivos comúns e competencias concorrentes no ámbito da asistencia social.

II. Que con data 13 de setembro de 2019 a Consellería de Política Social e a FAO, asinaron un convenio de colaboración para establecer as bases de cooperación para a construción e posta en funcionamento de sete centros públicos de atención integral ás persoas maiores (en adiante, os “Centros de Maiores”), sitos nas cidades de Santiago de Compostela, Vigo, A Coruña, Lugo, Ourense, Pontevedra e Ferrol, para atender a maiores en situación de dependencia no marco do plan “Como na casa”.

Este convenio, na súa cláusula segunda establece que o seu ámbito de aplicación será obxecto de desenvolvemento e concreción a través dos oportunos instrumentos que procedan e das actuacións necesarias para a súa consecución, de conformidade coa normativa vixente.

III. Que en aplicación do antedito convenio, as partes asinaron con data de 15 de xaneiro de 2020 un convenio de desenvolvemento onde se definía o marco de colaboración entre a FAO e a Consellería de Política Social para a construción e posta en funcionamento do Centro de Maiores, sito na cidade de A Coruña, formalizándose a posta a disposición da parcela na que se vai levar a cabo a construción, definindo as obrigas das partes en canto ao derribo da edificación existente nela e fixando os prazos de execución das obras.

IV. Que a declaración do estado de alarma debida á situación de crise sanitaria provocada polo COVID-19 por medio do Real Decreto 463/2020, de 14 de marzo, supuxo a paralización tanto de procedementos administrativos coma de múltiples actividades, imposibilitando o desenvolvemento das actuacións propias do convenio. Todo isto, determinou que o prazo máximo de dous meses contados dende a obtención dos permisos e licenzas, previsto na cláusula terceira para o derrubamento da edificación existente na parcela, deba ser reconsiderado aos efectos de aclarar a data a partir da cal este vai ser tido en conta.



Por outra banda, tamén resulta necesario aclarar de xeito expreso a cal das partes lle corresponde solicitar os correspondentes permisos e licenzas administrativos necesarios para a construción e posta en funcionamento do devandito Centro de Maiores.

Polo exposto, as partes consideran axeitado proceder á modificación de determinadas cláusulas do convenio asinado o 15 de xaneiro de 2020, polo cal adoptan os seguintes

ACORDOS

PRIMEIRO.

A cláusula terceira do convenio quedará redactada do seguinte xeito

“TERCEIRA.- Prazos para a execución das obras e o establecemento do servizo

O derrubamento da edificación existente na parcela posta a disposición da FAO realizarase no prazo máximo de dous meses contados dende o 1 de xullo de 2020.

O prazo máximo para o inicio da obra de construción, será de tres meses dende a obtención dos permisos ou licenzas necesarias para elo, non podendo transcorrer máis de vinte meses dende a data de inicio ata a súa finalización.

O prazo máximo de inicio do procedemento para a posta en funcionamento do Centro de Maiores de A Coruña nos termos previstos no Convenio de 2019 será de seis meses dende a entrega do mesmo á Consellería de Política Social por parte da FAO.

A Consellería de Política Social solicitará os permisos e licenzas administrativos que resulten preceptivos para a construción e posta en funcionamento do devandito Centro de Maiores.”

SEGUNDO.

A cláusula cuarta do convenio quedará redactada do seguinte xeito



“CUARTA.- Comisión mixta ou de seguimento

A comisión mixta que se establece no Convenio de 2019 será a encargada de asegurar o bo fin e cumprimento do obxecto deste convenio, así como de interpretar as dúbidas que xere o seu cumprimento e resolver as controversias xurídicas consecuencia da súa execución.

Asemade, esta comisión poderá adoptar as medidas e acordos que se consideren oportunos aos efectos de dar solución a novas incidencias que se poidan producir en relación cos prazos para a execución da obra e o establecemento do servizo, podendo establecer novos prazos ou modificar as datas a partires das cales efectuar os cálculos dos mesmos.”

E en proba de conformidade, ambas partes asinan o presente convenio de colaboración en triplicado exemplar e a un só efecto en Santiago de Compostela.

Pola Consellería de Política Social
A Conselleira de Política Social

Pola Fundación Amancio Ortega Gaona
O Director Xeral

Fabiola García Martínez

Óscar Ortega Chávez